



UNIVERSITÄTS-
BIBLIOTHEK
PADERBORN

**ECCLESIASTICAE || DISCIPLINÆ || LIBRI SEX: || DE
CANONICA ET MO-||nastica Disciplina collapsa
restau-||randa, pristinoque nitori || restituenda.||**

Schulting, Cornelius

Coloniae Agrippinae, 1599

VD16 ZV 14233

5. De Origine, potestatis Ecclesiasticæ cohibitiuæ.

[urn:nbn:de:hbz:466:1-63372](https://nbn-resolving.org/urn:nbn:de:hbz:466:1-63372)

*De origine potestatis Ecclesiastica cohibitiua quod
ex institutione Christi descendat.*

Christus ait tibi dabo clauas regni coelorum,
 clauas dicit pluraliter vt iuxta communem *Matthæi 16.*
 sententiam interpretum innuat clauem vtriusq;
 fori nimirum conscientiaæ atque iudicij exterioris. Deinde, ait, si peccauerit in te frater tuus, *Matth. 18.*
 & corripe eum inter te & ipsum solum, si au-
 tem tenon audierit, dic Ecclesie, si Ecclesiam nõ
 audierit, sit tibi sicut ethnicus & publicanus. A-
 men dico vobis quæcunque ligaueritis super ter-
 ram, erunt ligata & in coelis, & quæcunque so-
 lueritis super terram, erunt soluta & in coelis
 proculdubio hæc sunt capienda de cohibitiua *Ioannis vii.*
 Iurisdictione. Mox dicentibus Apostolis Ecce duo *cap.*
 gladij hic respondit Christus. Satis est, Quare-
 sponcione indicauit duas in Ecclesia potestates
 sufficere. Nam per duos gladios mystice signifi-
 cauit Bernardi testimonio in libro de considera-
 tione ad Eugenium, tum temporalem tum spiri-
 tualem Iurisdictionem & potestatem. Pauli lo-
 ca 2. Corint. 4. & 2. Corin. 13. 5. de Visitatione pro-
 lata huc pertinent. Talia permulta sunt in Pauli-
 nis epistolis & aliorum Apostolorum scripturis
 quæ Iurisdictionem esse cohibitiuam in Ecclesi-
 asticis Antistitibus adeò manifestè indicant, vt
 queat nemo ad ea vel hiscere nisi sit unima prorsus
 obstinato. Hæc etiam veritas ex eo posset con-
 firmari, quod Oecumenica Concilia nunquam
 condemnassent, excommunicassent & à proprijs
 sedi.

sedibus hæreticos deposuissent ac merito puni-
uissent, nisi penes se cohibitiuam Iurisdictionem
esse intellexissent: sic Arrius à Concilio Nicce-
no, sic Macedonius à Constantinopolitano sic Ne-
storius ab Ephesino, alij denique ab alijs condem-
nati sunt. Totus postremò quintus liber Decreta-
lium, qui de poenis inscribitur, aduersariorum
errorem improbat & confutat.

CAPVT VI.

*Conclusiones pauca de vniuersa Iurisdictione
Ecclesiastica.*

Prima Conclusio. Sicut duplex est forum, v-
uum conscientia, alterum causarum: ita potes-
tas Iurisdictionis est duplex. De potestate Iuri-
dictionis quoad causas & negotia in Decretis ha-
betur hoc modo. Aliud est terminum causas im-
ponere, aliud est scripturas sacras diligenter ex-
ponere, Hac potestate, vt emendet & corrigat a-
liquem, potest ipsum excommunicare & ab Ec-
clesia separare, de qua Matthæi 18. cap. & ad hanc
refertur Disciplina Ecclesiastica, de qua agimus.
Potestas hæc Iurisdictionis dicitur cohibitiua,
quia fertur etiam in inuitos, sed in altera nemò
absoluitur vel ligatur inuitus. Secunda Conclu-
sio. Separantur hæc potestates, quia simplices sa-
cerdotes quibus commissa est cura animarum, quæ
in foro conscientia est, habent sine altera, &
contra qui sunt iudices in foro causarum habent
potestatem illam sine sacerdotio vt Archidiaconi
& non possunt ligare vel absolueret 3. Conclusio.